

РУСКИ НОВИНИ

ЗА РУСИНОХ У КРАЛЪОВИНИ СХС

Рок IV.

Нови Сад, штварток 14. априла 1927.

Ч. 15 (122)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ - НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Просвита у пракси.

Кед вежнеме просвиту, як вкуп шицких модерних у каждим напряду индиферентних идейох и попатрунок на швет и на потреби як духа так цела човечого — то вона найважнейша у живоце човечого, його семейства, його нациї и держави. Тоти идеї су продукт човечого дружтва а по тим и шеяч тих идейох дружтво одн. единки того дружтва. Шицки знаме и то, же ше идеї можу барз легко шириц, а и ширия ше — та спрам тому би добра идея мушела у каждим и дакус просвищенним куцику добри корень влапиц. А видзиме, же нешка ствар так не стої, бо една идея уведзена до животу, дїствує дагдзе добре, дагдзе индиферентно, а дагдзе зло. Роби ше даклем особено о тим, як ше, на яки способ ше идея уводзи до живота, яки ю людзе уводза, як тогу идею уводителї розумя.

Людзе читаю кнїжки, але не кажди читач на еднаки способ толкує кнїжково идеї, и не кажди їх еднак розуми. Еден видзи у кнїжки вецей, други меней; едному едно пада до оч, другому друге, док ше треци на пр. бави лем висшим содержанием кнїжки (тенденцију). „Просвита“ є широке понятїє, хторе може шицко залапиц, зос чим человек у живоце доходзи и може дойсц до даякого отношения, но и у тим широким понятїю муши ше дац яки таки основни темель, з хторого ше муши пойсц у шацованю просвитней роботи. Яки человек — так одхова и свою фамелию, а паметайме, же вкуп фамелийох твори нацию и державу, бо зме шицки ведно повязани. Нешрмо и ми шпиваме:... яки ец — таки син... яка

матка — така катка. З тим и ми признаваме тото, цо сом спредз наглашел: же є вплив поединцох у просвिति барз вельки.

Наш просвитни живот ище младки, але и ту вредзи правило просвищования: Почнї од себе. Кед зос собу знаш водзиц бригу, порадз другого. Бо перше, главне и едине є: оконьчуй совистно длужносци свойого звания. Твойо звание є темель твойому животу, тото звание ма дакле буц и темель твоей просвिति. Просвитна работа ше по наших валалох коньчи у дружтве, и то вечарами, кед дома уж шицко понамяряне. Сходи, схацки су у нас потребни, нужни средства просвिति и просвищования. То добра стра на схацкох вечарних. Як при каждей ствари, так ше и ту може зисц зос тей правей и добрей драги, а да нам ше и просвита укаже не у барз красним шветлу. А граница добрей и недобрей драги просвिति є не далеко. Скорей як идзеш на схацку, до читальни оконьч шицку свою роботу, цо найлепше знаш. То знак просвिति. Кед ти не оконьчиш роботу, вона остава на жени, а по тим будзе жена дудрец на тоту и таку просвиту, дзе ше муж ошлебодзує каждей бриги. Так дойдзе до того, же жени зос сумнівим оком провадзиц буду просвитну роботу дружтва. А тераз най кажди по совисти пове: то не добра работа и то причина, же не маме у дружтвох валалских записану скоро ані едну жену. Далей! Дружтвена просвитна работа и найвекша ше може вше за годину звершиц. После того доволно пол годзини на невязану бешеду. З тим ма буц схацка звер-

шена и кажди най у доме заш ушорює, цо ище ма. Не шмело би буц, да ше тото пол години оцагне, до пол едней по пол ноци, да схацка випатра як: хлопски пратки, дзе ше шицко претреса, валя и ствара а можебуц дакому да ше и чесц блаци. То би було недостојно за саме дружтво. А и тот хтори так длуго остава не може свою роботу добре и совисно оконьчиц на полю або у мигелю, бо є поспани. Дакле би заш лем себе чкодзел.

А ище є зла страна длугих схацкох одн. бешедох у тим, же звичайно маю тенденцију претвориц ше до политичких експозитурох. Тото є можебуц причина, же валалски дружтва числено слабо стоя.

Дакле шицко ведно. Перше стої пред тобу: твойо обисие, твоя жена и дзеци и работа твойого звания. Друге: схацки най буду кратки — не як пратки, бо лем так будзе успих у просвитней работи.

Осиф.

У нашом отечеству

Политическе положение

Пре вельконоци швета, котри настали политическе положение не указує велького живота. Народни посланици поросходзели ше до своїх домох да преславля швета и по народу да отримаю политически збори. Медзигим у Београду политичаре бешедују, же нешкайша влада у своїм теразнїм состоянню нїяк не годна дочекац 19 април кед ше будзе розправляц о тужби против министра Максимовича. Обачело ше, же на авдїенциї при Його Вел. Кралю були вецей министрох медзи нїма и Вукичевич па ше дума же би вон могол составиц владу. Давни новини пишу, же кед би ше нешкайша влада преширела зос демократами, же би теди бул председатель Воя Маринкович а Узунович би пришол на место Максимовича.

Партийна агитация

В недзелю отримали политиче ки збори С. Радич у Гавешници и С. Прибичевич у Осеку.

Одкопала мертве дзецко

У Загребу догодзел ше недавно таки случай, же Милица Трбович одкопала гроб свойого дзецка, виняла го и преоблекла до нових шматох а вец назад го закопала. Полиция гледала за ню, але не могла най. Кед чла, же ю гледаю приавела ше сама, па гварела, же була худобна и не

могла поховац так свойо дзецко як требало, але лем у старих рендох. Кед заробела дакус пенежи купела нови шмати пошла викопала гроб и дзецко крашнє прибрала та го назад поховала. Полиция ю не штрафала бо Милица не знала, же то не шлебно.

Преосвящ. Діонисий у Македонии

През цали тот тидзень находити ше наш преосвящ. владхка Діонисий у Македонии, дзе нашо вирники вельо церпя секирациї од власцох. Преосвященого Владика провадзи о. Др. Калай.

Конгрес византинологах у Београду

През тот цали тидзень отримує ше у Београду конгрес византинологах т. й. ученькох, котри преучую греческу культуру штреднїх вицох.

Препатране основних школах

Министерия просвिति видала розказ шицким школским надзорничком, да препатраю свойо подредаени школи у ке-зо уж то не зробели.

Оддаванки учителькох

У Словениї було наредзено, же ше учительком не шлебно оддац без допущеня Министерї. Тото наредзено тераз

будзе вредзиц и за учителькох у Босни.

Чудни „Христ“

Тих дньох ше указал на ули- цох Београда якиш человек, ко- три бул облечени до шматох, яки ше ношели ище у часох Христа. Человек Талиян на мене Дяфи Салваторе. Вон гвари, же вон едини порозумел Христову науку и идзе до Индиї, бо там

права вира. Дяфи путує пешо. Випатра, же тому новоме Хри- стови едно колесо хиби у глави

Збешнети вовк (фаркаш)

При валале Себечев у южней Сербии нападул еден вовк (фар- каш) трох земледѣлцох и чежко их покусал. Людзе одведзени до шпитаю у Скопљу, бо ше ду- ма, же вовк бул збешнети.

повесц, прецо папер за пре- кладане представи плациц. За- то, бо би тот преклад не бул того, цо го створел, алв би ишло до дружтвеной библио- теки у рукопису.

Еще едно бим сцел надпом- нуц. Модлел бим шицких Вас, же цо думаце о тей т. в. „игран- ки“, (танцу) котра звичайно по представи? Исто так модлим да- яки гласи о схадзки. Вецей днї траяц муши! По моім мнї- нию заш би не шмела буц при погарох и вину, бо то не ро- бота нїяка! Алв ані на кирбай, бо ше на кирбай слави, не роби!

Же може буц член и мужко- го и женского полу о тим нїя- кей чежкосци, бо то и у пра- вилох Р. Н. П. Д. Яка ше нао- бразба найнїкша будзе гледац за приступ до повдиних секци- юх, о тим ше одредзи на схадзки.

Чекайце-ле, чекайце! Лем те- льо же сом еше едно не за- бул! То ше тиче зберачкей секциї и шпортох.

Цо думам под зберачку сек- цию? Вона би мала задаток стари вредносци зберац и нашу историю преучовац. И за ню ше порихтаю правила на схадзки.

О шпортох лем тельо. Гоч яки шпорт бул, мене ше видзи же то не спада у нешкайших приликох на польо явного дїй- ствованя Р. Н. П. Д. Вон би у наших (специално наших) об- ставинох бул лем фактор, ко- три би помагал сметац оства- рене первотного циля и задатку Р. Н. П. Д. С тим, цо сом по- ведол, нїзач не думам твердзиц же шпорти не маю и барз до- бри страни, котри прикладни за воспитоване! Тельо лем, же хто ше сце зос шпортом бавиц най би то зобел неодвисно од Р. Н. П. Д.

Думаю, же сом стим у глав- ним за першираздосци написал, По потреби ше о тим заш я- вим. А Вас приятеле [и школ- яре, модлим же би сце и са- ми тото мойо поведзене кри- тички пресудзели, заруцели цо не у шоре, а цо добре прила- пели, та и сами стварали пла- ни, же на яки способ ше наша ствар иайлгчейше годна вивесц на задовољство нас шицких а найперше на хасен шицких Руснакох!

Загреб 31. марта 1927.

М. Буила.

Пайташе школяре!

Не досц с тим кед будземе лем члени Р. Н. П. Д. Ми ше будземе на способ, як ше до- гвариме, найбаржей старац, же би зме по литерарней и диле- танскей работи цо лгчейше и цо з векшим успихом ширели културу, да ше так виражим: Ми би потенцирали свою ро- боту и специално би зме ше служели зоз пирком и бину.

А) Зоз пирком. Ми би ше обовязали послаца своєю ли- терарни работи до Р. Кален- дара и до Р. Новиных а по по- треби и за иншаки кнїжки, ко- три би ше издавали. Крем того би ше тримали преподаваня о шицкому, цо скапчане з живо- том нашого народу. Розуми ше же би ше основала за то по- требита библиотекa. Зос тей библиотекы годзен кажди по своей струки, зос котру ше будзе специално бавиц, пожи- чиц кнїжки за своєю работи.

Вецей од нас, котри би ше служели зоз пирком составляли би литерарну секцию Р. Н. П. Д. и одредзели би своєю польо дїйствованя у догварки з Р. Н. П. Д. сами. То би, вредзело вец специално за їх секцию, а не вредзело би и за каждого другого члена Р. Н. П. Д. С тим оправдане то, же треба организацию таких школярох, котри ше приму специално та- кей работи. Поближей ше о тим догваря на схадзки.

Б) Зосбину. Найвекши успих у простого народу зме годни запевно (сигурно) посцигнуц зос преставами. за тоту цилю би ше мушели хасновац поуч- ни ствари на нашим народним язичу, бо ше с тим освидомя людзе и прилапя, цо їх народне. Школяре котри ше обовязу на содїйствоване у тей работи, створели би себе свой кружок. Тот кружок би ше найзгод- нейше волац: театрални кру- жок. Його работа би не тир- вала як литерарна през пре- станка. Час Його дїйствованя су вельки ферии (вакациї). През жиму би ше вше остарал и то предняк за представу за и- дуци ферии и старал би ше, же би ше то цо созершенше научело и представляло.

Ту би ше мушела особено дисциплина завесц, бо то през дисциплини не може нїяк на- предовац. По догварки би ше сами члени под водством сво- його предняка старали за ло- кали, за саму бину и кулиси, а особено за гардеробу. Кажди член би себе мушел набавиц, цо му потребно за маскиране по упуту предняка.

Приход, котри ше назбера ишол би часц до каси а часц на рихтане бини, па на папер, котри потроши тот, цо прекла- дал представу на наш язык и т. д. Алв уж переходим одвише на повдиносци, ипак мушим

ШИРОМ ШВЕТА

Хорота румуньского краля

Румунски краљ Фердинанд барз ше похорел Його кончина може наступиц каждей минути. Його син Кароль, котри би мал право на престол алв му го одняли пре Його не- добри и соблажнїви живот, ко- трого вон провадзи, модлел владу най му допуци врациц ше назад дому. Влада му не допуцела, бо ше бої, же би могло прийсц до вельких не- порядкох и немирох. Нешкай- ши председателъ владѣ генерал

Авереску трима у приправнос- ци войско. Гутори ше, же ше Авереску дума преглашиц дик- татором у жеми.

Борба против не- моралносци

Богубеносц ше вше баржей шири. Виставляю ше койяки гадни образи и кнїшки, у био- скопох отримую брідки пред- стави а полицийни власци а нї ше не рушаю. Зос тим ше губи наша младеж и триви ца- ле друштво. У давдних крайох и державох почали енергичну

ФЕЛЬТОН

ЩЕСЦЕ

(Руска народна приповетка)

Сообщел: М. Няради.

— У мирним цихим воз- духу зачул ше нараз моц- ни крик. Цошка далеко зайойчало, вдерело ше до ка- меня и одлецело кричаци: таг, а таг, таг. Кед ше ве- цей не чуло гласа, стари любопитно попатрел на Пантелея коняника, котри задумано стал при коньови.

— Почало ше розвидняц. Гвизди почали трациц сво- ю шветлосц и трациц ше. Небо ше захмурело и по- хмарело.

— Перши рани витрик почал дуц и рушац дrevка.

Коняник ше таргне зос своїх думох и стреше з главу. Потреше зос седлом, поцагне деплови як да сце ошедлац, а вецка ше заш задума.

Да. прегвари вон, — ест Щесце, алв нет розуму, да го гледаш.

— вон ше обраци гу па- стиром. Його строге лїцо було туробне и смутне як у спредезеного человека.

— Да, так и умреш, Щесце видзиц не будзеш яке воно... гуторел вон и помали ногу кладол до стре- менох. Хто младши, годзен ище и дожиц, но ми стар- ши. Охабме ше того и ані не думайме на то.

Погладзи своєю баюси, котри були мокри од молги помали ше дзвигне на коня и як да дацо забул ище повесц, джмуркнул з очми и запатрел ше дзешка да- леко на восток. У шивей далекосци, дзе ше гора злі- вала зос цемноту и нїч ше не рушало, молгасты бреш- ки, котри ше ту там дзви- гали на горизонт, як да- яки стражаре патрели не- милосердно и мертво. Их цихосц указовала ровнодуш-

носц гу шицкому цо лем на швецце ест. Преидзе ище вельо тисячи роки, умре ище вельо милиярди люд- зох, а вони и далей буду там стац, як цо и дотераз стали. Не будзе им жаль за тима цо помарли, и ані една душа не будзе знац, яки тайни крию вони под собу.

Пребудзели ше и врани и цихо летали по над же- му нїч не думаюци. Не ма- ли вони смисла нї зач. Ко- няник ше ошмихнул и пре- гварел:

„Яке вельке место, Боже мой. Хайд найдз Щесце. Ту почне вон далей зос спу- щеним гласом ту сигурно закопане злато. Панове за нього не знаю, а старим людзом особено катонацом шицким барз добре позна- то. Там на тей гори коня- ник укаже зос батогом на тоту страну давно нападли збойнїци на едну каравану цо путовала зос златом, то-

то злато везли царови Пе- трови зос Петрограду до Воронезу, дзе вон правел ладї. Збойнїци позабивали людзох, злато од нїх по- брали, закопали, па го вец- ка ані вони сами не нашли Друге злато заш закопали нашо донски козаки. Два- цетого року нагребали во- ни од Французох вельо зла- та и стрибла. Кед ше вра- цали назад дому, на драже чули, же од нїх держава сце вжац шицко злато и стрибло. Чом да вони даю держави злато лем так за дармо. Вони го закопали, но дзе го закопали, нїхто не зна.

„Чул и я цошка о тим злату, прегварел нахмурено стари.“

„Да, задумал ше коняник Пантелея. Так то.....“

Настало молчане. Коня- ник задумано попатри у далїну, ошмихне ше и знова таргне з депловами, як да заш дацо забул по-

борбу против тей немора носци и гадоти. Таки добри приклад дала Мадярска. Полиція у Мадярскей ходзи по театрох, биоскопох, книгарных и вируцув шцико, цо бридке а таких котри предавали гадни ствари оштро каре.

Кривотворителе англійских пенезох

Греческа полиція влапела у варошу Атени єдну вельку банду, котра правела англійски пенезж. При членох тей банди найдзено вещей як мільон фунти штерлинги.

Война медзи Русію и Китайом

По вистох зос Москви 40.000 монголских коняникох под команду руских офисирох прешли граніцу Китаю. Вони маршираю на престолни варош китайскей республіки Пекин. Причина тей войны єст, же революционаре у Китаю нападли на руске посланство у Пекину. Руска влада мобилизовала єдну часц своїх трупох. — Кед Китайска влада неда задовольштину Русіи, теди война готова.

Революція у Чиле

Новини являю, же прешлого тижня вибила у республіки Чиле (Южна Америка) революція. Военн министр Зруцел дотеразшнього председателя и превжал сам його место.

Зос наших валалох

Коцур.

СВ. МИСИЙ.

Утвердженє и ошвиженє вирского живота, котре уж шицки нашо руски валали

За любов гу жени

У Бейчу веду ше пред судом занимліви расправи против Емила Марека и його жени Марти. Емил булі осигурани на 400 тисячи долари у случаю кед би го залапело даяке нещесце у живоце и остал би неспособни за роботу. Його жена котрей не було нігда досц пенезжи нагварела го да себе да одрубац ногу. И вон то найсче зробел, да так придзе до пенезжи. Вон рубал древо и покалічел ше: одрубал себе ногу, але суд утвердзел, же хтошка инши мушел то зробиц бо ногу не мож одразу одрубац. И його жену тиж заварли. Так випатра, же Марек остане и без ноги и без пенезжох а ище будзе и штрофани. Это до чого приведзе неваляла жена.

Свой гу свойому

Недавно умар у варошу Чикаго познати комунист Рутенберг. По його жаданю спалели його цело и гар послали у фляшки до Москви да го там чуваю.

Англійски дефицит

Англійски министр финансийох виявел, же Англія окончела свойо газдованє у 1926 року зос дефицитом (длуством) за 57 мільони фунти штерлингу. Причина тому бул пренло-рочни штрайк у угленкопох.

уживали, дочекал и наш Коцур.

О св. мисийох чул наш народ уж пред двома роками, кед були отримовани у наших сримских валалох,

вєсц, або да не докончел свою бешеду. Конь ше немилу рушел крочайом. Кед прешол сто крочаї, Пантелей стреше з главу, тьрне ше од думаня вдери коня и почне бежац.

Пастире остали сами.

„То бул Пантелей з марковскей економії, прегвари стари. Полдругей стотинарки рублі добива на рок плацу. Розумни человек....“

Пребудзели ше овци а було их коло три тисячи и од досади почали пасц малу и погажену траву. Слунко ище не вишло, но уж видно було шицки бреги у даліни. Кед видземе на тоти гори, видно вельку ровніну, салаши, валали, а ище далей и вароши и гайзибани. Од тамац видно, же не вшадзи таки пусти живот, як ту, але єст и други живот и людзе, котри ше не стараю о закопанє злато и стрибло. Стари влапи свою паліцу и

дзвигне ше. Цихо бул и роздумовал. А младому на ліцу ше ище вше видзел страх и любопитност. Барз го занімало шицко тото, цо чул, и нецерпезліво чекал, же дідо ище и далє будзе приповедац. Діду, запита вон, цо зробел твой брат зос тим катонем?

Стари не зачул. Рострешено попатрєт на младого и прегварел:

„А я, Санька, вше лєм думам о тей кнїжки, цо ю у Иванки указовали катоню. Анї сом не гварел Пантелейови. С Богом, но у тей кнїжки так назначене тоґо место, же би го и баба могла найсц. Знаш котре то место? У Богатей Шпилі, на тим месце, дзе ше Шпиліца розходзи на три страни, як гускова нога; у штрєдней...“

„Оздаль будзеш копац?

„Попробуєм щесце...“

„Діду, а цо будзеце робиц зос златом кед го найдзеце...“

а влоні у Вербаше, Н. Саду, Дюрдьове и Пишкорєвцех. Прето зме нецерпєліво обчековали, кеди ше и ми того щесца дочекаме. Добри Бог через нашого преосвящ. владіку Дионизіа остарал ше и о нас.

Дня 29 марта припровадзєли зме всч. отцох мисионарох, наших руских монахох чина Избавителя зос Стрєпкова (Подкарпатскей Руси): о. Мєтода Трчка, о Станіслава Некула и о. И. Кирила Закопал — до нас. Хвиля не була красна, бо диждж падал, але кус чєжка драга и ище чєжша апостолска работа, котру всч. Отци за три тижні коньчєли у Керєстуре не завадзала їм анї кус, бо лєм цо ше на полудньовали, такой дали дзєцом школским першу науку и висповедали їх, а вечаром истого дня отримали у преполней церкви першу проповідь.

Уж зос першу проповідь задобили нашо шерца, бо вони шмєло виявели, же гу нам пришли, да нам принєшу мир и спокой, да нас у вири утвердза и живот ошвижа, а за свой труд не питаю пенезжи — лєм грихи нашо, а каждому даю згоду, да ше зос своїм Господом Богом помири. Мило було патриц як ше през шицки 11 дні мисийох церква полнєла зос побожним народом жадним науки и слова Божого и од рана до нескоро вечара.

То були дні, яки зме у живоце ище не прежили,

Указал би я шицким, же хто я.... Хм... Знам, цо бим робєл...“

И дідо незначал повєсц, цо би робєл зос златом, да го найдзе. За цалого живота першираз му пришло нешка на розум, а як му ше видзелo по ліцу не барз вон тримал за вредне о тим роздумовац. А у глави Санькиней ше цошка мервєло, а цо вон не могол похопиц: чом то злато глєдаю лєм стари людзе, котри вше можу умрєц од старосци. Но тоґо ше вон не шмєл питац дідови, а можда би му дідо на то анї не одвїтовал.

У то ше указало и слунко. Широки заря його падали по велькей пажници и як да им уж досадзєла бєшеда тих людзох, нараз почало печиц. Шицки квєца ше почали весєло шмєяц и радовац милому слунку. Дідо и Санька ше розишли и поставали на

бо у тих дньох и школяре и дзєвчата — хлапци, газда и гиздиня, шицки хлопи и шицки жени, худобни и богати, панове и роботніци — кажди ше понаглял до церкви и забувал на свойо дньово бриги и старал ше о спасєню души своей. А отци мисионаре видоволєли нас шицких, бо каждому стану (дзєцом, младеї чєлєдзи, жєном, хлопом) окрему науку давали, за каждого мали окреме слово потїхи, науки и ошмєлєня. Дали нам вещей як 30 проповіди и науки, од котрих єдна була красша од другєй, и порушали знїма розум, шерца и чувства каждого. Їх апостолски глас послушали готово шицки, и помирєли ше зос своїма ближніма и Господом Богом. Глухи остали лєм даскєльо спрєведзєни души, або таки, котри ше зос своїм явним грихом розисц не сцєли. Але ми знаме, же и їх дзвон милосердия порушал, та и вони видоволя своей христьянскей длужносци Найкрасши успех св. мисийох указує то, же ше у тих дньох висповедали вещей як 2100 вирники, а гу св. причастію приступєли вирники коло 4600 раз. То наисцє ясни и красни доказ як коцурски руски народ люби свою грегo-католицку виру!

Спомнєм ище то, же дзєнь пред Благовищєньом нащивєл нас и наш преосвящєни владіка Дионизий, але на жаль лєм на пару годзини, бо пре инь-

два страни стада. Обидвомє стали як слупи и запатрєли ше до жєми. Перши ше не могол отрєсц думох о Щєсцу, а други заш о тим роздумовал, цо ше вноци бєшедовало. Не занімало його Щєсцє, лєм людски шалєнства. Сто овци нараз скоча, як да ше од дачого позлєкали а и сам Санько ше злєкнул, но кед видзел, же нєт опасносци, скричал на нїх, да ше змиря.

А кед слунко припєкло моцно, Санька и Дідо стали обидвомє при своїх овцох и глїбоко роздумовали вше лєм о єдним.

Не видзєли вони єдєн другого и кажди жил по своїм старим живоце.

И овци нєсто так роздумовали.....

Читайцє
„Руски Новини“

ши роботи владичества мушел буц на Благовищене у Београду. И вон ше з нами цешел и радовал нашому духовному напредованю.

Найкрасши дзень мисийох бул дзень Благовищеня, кед ше мисии закончили: з прекрасну процессию гу кладбищу, пошвещене св. мисийного креста и вилочене на мур церковни. Отци мисионарище раз напомними своєю науки и зос цеплима словами любви одпитали ше як любезни отцове од своіх чадох. Не було ока, котре ім зос слизами не подзеквало. Домашні парох у мене вирнікох зос сердечними словами одпитал ше и подзеквал добрим Отцом нашим мисионаром на їх любви и пожертвовним труду и зажичел благослов Божи на їх дальшу апостолску роботу.

Дзень по Благовищеню (пятък) нащивели отци ми-

сионаре шицких хорих и немощних у парохии, та и їх поцешели и покрители зос св. Тайнами, же би и вони участники були у св. мисийох.

Мило нам спомнуц, же красни мисийни крест дарвал Микола Вадаски, коцурски житель. Чесц найму будзе прето а од Бога награда!

По поладню зишел ше шицок руски народ коцурски, да ше ище раз одпита од милих оо. мисионарох. У церкви зме ше помодлели за їх щешливу драгу и хто мог випровадзели зме їх до Вербасу, одкаль одпутовали до своіого дому — на дальшу своєю апостолску роботу.

Най їх Господь благослови и укрепи, и нам укаждим руским валале мисийни крести най напоминаю як маме жиц, кед сцеме щешливи буц!

Допис з Риму

Пошвещоване нового владика.

На Благовищене, 25. марта одбуло ше у Риме на гробе св. Кирила, славянского апостола у церкви св. Папи Климента вельке и красне торжество: троме владикове, Дг. Дионисий Няради, Дг. Йосафат Коциловский з Перемшля и Дг. Константин Богачевский з Америки вишвещели о. Павла Гойдича за владика пгяшевскей епархии. До тегаз през длушки час тота епархия була позбавена власного владика, та ше за ню, як каждому добре знано, старал наш преосвящ. владика; але чезки обставини, котри наступели по войны у тамтих крайох, бунтовна акция православнох батюшкох и щира та витривала молитва тих наших братох Русинох, да им Бог вибере владика спомедзи їх родзених синох, zvolели св. Отца Папу, же виименовал о. Гойдича Павла да приме на себе владическе достоинство. Нови владика, же би указал своєю щирю любов и оданосц папскому престолови, и же би одал одповедне почитоване св. Кирилови, и же би увекшал славу його 1100-ного юбилея, вибрал гроб св. Кирила за место своіого вишвещеня. То ше ского розгласчело по Риме и шицки визначейши священники и млади студенти та и сам народ жадно очековал, да побачи и почув преславени славянски обряд и шпив. Та наисце ище ше служба на котей мало буц швещене, не зачала, уж церква була преполнета цветом Притомни були окрем Италиянох

Украинци, Руси, Чехи, Поляки и Греки, шицки преполнети з радосцу очековали початок. Точцо од 9-ей зачала ше служба Божя зос писню „Слава во вишних Богу...“ котру, як и цалу службу одшпивал хор украинских студентох. Участвовали у служби троме владикове, штирме паноцове, двоне дяконове и други пристоящиі шицки прибрани до златних ризох, у найвекшим порядку ушли на главни дзвери до церкви и помани два по два приближели ше гу олтару. Коло олтара клечели славни церковни представници як еден кардинал, нунций з Ческей републики, абас з Праги, Гречески и други владикове и з подивом пребули службу, котра з боску п моцу крашне одслужена. У церкви пановал мир; Италияне иншак бешедливи тераз зачихли як неми и з вельким напруженем припатрали ше на одправляне яке ище у Риме не дожили. По служби нововишвещени владика поблагословел шицких окремно Нови владика, гоч би як любел длужей ше заграмац у Риме же би на святых местах набуц цо вецей ласки Божей до чезкей праці яка го очекуе, и пак ше чим скорше враци до своіей епархии дзе го жельно очекую вирніки, котрим так потребни, и за котрим ше так вельо начекали.

Ми з широко шерца жичиме да нови владика доживе медзи чвојма вирнікама и

Многая и благая лїта!

Оглашуйце до „Руских Новиных“

На знане!

„Замодлюю ше парохиялни Уряди, да буду ласкави явиц Просвитному друштву до Р. Керестура:

кельо екземплари од Жития Св. Кирила и Методия жадаю да им ше пошлє. Цена екземплару по два динари.

Швечочни отпочивок

Страстни тидзень Пондзелок.

Евангелия ше чита о сухой смоковници, котру Исус Христос другого дня по торжественном входу до Ерусалиму проклял прето, бо не нашол на ней плода.

Того дня ище и память Йосифа Египетского, котри бул предобразом Исуса Христа и прикладом чистоти.

Поука: 1) Меркуйме, да не будземе подобни смоковници, котра мала лем лїсце, а не принесла плода, бо ше и з нами то стане, цо ше зос нїо стало.

2) Кед на нас придзе нечиста покуса, гуторме з Йосифом: „Як да я таке дацо пожадам або зробим пред Богом, котри ме види?“

Вовторок.

Памят на 10 дївици, од котрих 5 були мудри, а пейц глупи. Мудри вжали зос собу олею и вошли зос женіхом на свадьбу; глупи немали олею и док го нашли, запарли ше дзвери и немогли уж войсц на свадьбу.

Лампа през олею то виба през добрих ділох. Така вира нїч не вредзи. Украшуйме прето наш живот з добрима ділами нашей святей вири и не спускайме ше на цудзи заслуги як то робели глупи дївици, бо нам вони нїч не поможу на дзень суда. — Будземе вше готови на шмерц, бо не знаме, кеди нас Бог повола на суд.

Стреда.

Памят страшна, як Юда предал на шмерц Христа Господа за 30 сребреники. Пре тот грїх спаднул Юда до здвойносци, обещел ше и на вики загинул.

Того дня слави ше и память жени гришници, когра два днї пред тим помасцела ноги Исуса Христа з драгоценим миром и тим Його приготавела на шмерц. Зос слїзами олївала му ноги и каляла ше за своєю вельки грїхи Господ Исус Христос одпушел ей шицки грїхи пре ей вельку любов и вона пришла до неба.

Боже милосердіє в бесконечне. Кед согришиме, прибигайме гу Христу Роспятому, кайме ше и исповедайме ше и Бог нам одпуци шицки нашу грїхи. Найвекши грїх тот роби, хто здвої, як Юда. Пре такого нет спасеня.

Желени штварток.

Того дня праздуєме: 1) Тайну Вечеру, 2) як Исус Христос умил ноги Апостолом и 3) як установел Пресвяту Евхаристию.

а) Зос Тайну Вечеру докончел Исус Христос Стари Завит.

б) Зос умиваньом ногох дал нам Исус Христос приклад найвекшей любви и смиреносии. Вон жада то и од нас, да любиме еден другого и да будземе смирени, а не горди.

в) Зос установенем Пресвятой Евхаристии охабел нам Исус Христос вични памятник своіей любви — дал нам Себе Самого як храну пре нашу души.

Любме Исуса Христа, бо вешей любви од теї не мог нам указац!

Любме Исуса Христа, бо Вон нас скорей любел!

Вечар на желени штварток читаю ше „Страсти Господнашого Исуса Христа“.

а) Исус Христос отпитал ше од своіх апостолох.

б) Исус Христос у заград Олївней модлі и почине своію муку

в) Исус Христос дал ше у лапиц.

г) Исус Христос пред Ану Каяфом осудзени на шмерц.

д) Петро трираз ше вибє Христа Господа

е) Погибель Юди.

ж) Мука и шмерц Христов. Преставаю звони звонїц и дзвоня до воскресеня.

Вельки Пятък

Памятка муки и шмерц Христа Господа. То дзень највекшого смутку, бо грїхи нїшо запричинили муку и шмерц Христову.

Рано на Царских часох приволує нам ше до розуму:

а) як Исус бул водзени пре Пилата и Ирода, поругани, бичовани, терповим веньцом окруновани, заплювани.

б) Як Исуса Христа водза и пропятив; трираз пада под крїжом.

в) Як Исус Христос о 12 годзини бул распяти на гор Голгофти.

На вечурні: Погляд на Христа Роспятого — ховане Исуса Христа, яки нам хасен принесл шмерц Христа Господа.

Велька Субота.

Дзень одпочинку мертвог Тїла Христа Господа у гроб. Душа Його зишла до аду, и ошлєбодзи души праведніко Старого Завиту и да їх привезде до неба.

Жидзи дали запечатовац гроб Христов и поставили там мону стражу, тот котри бул д гробу положени, напредок предрекол, же треци дзень воскресне. И так ше и стало. Вон нам обещал, же ми воскреснеме на живот вични, кед будземе твардо вериц и по вири живи.

Жийме за Христа Господа! З Христом церпме! З Христом умерайме з Христом воскреснеме.